



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

**ODLUKA**  
**O IZMJENI ODLUKE O DAVANJU OVLAŠTENJA ZA VRŠENJE FUNKCIJE**  
**PRAVOBRANIOCA GRADA SARAJEVO**  
**(Prijedlog)**

**Predlagač:** Gradonačelnica  
**Obrađivač:** Stručna služba  
gradonačelnice Grada Sarajeva

**Sarajevo, decembar 2021. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 45. Zakona o pravobranilaštvu („Službene novine Kantona Sarajevo”, broj 33/08 – Novi Prečišćeni tekst, 7/12 i 44/16), člana 16. Odluke o osnivanju Pravobranilaštva Grada Sarajevo („Službene novine Kantona Sarajevo”, br. 20/10, 12/17 i 41/21) i člana 26. stav 1. tačka 2. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva na \_\_. sjednici održanoj dana \_\_. \_\_. 2021. godine, donijelo je

**(Prijedlog)**

**ODLUKU  
O IZMJENI ODLUKE O DAVANJU OVLAŠTENJA ZA VRŠENJE FUNKCIJE  
PRAVOBRANIOCA GRADA SARAJEVO**

**Član 1.**

U Odluci o davanju ovlaštenja za vršenje funkcije pravobranioca Grada Sarajevo („Službene novine Kantona Sarajevo”, broj 46/21), u članu 2. Odluke iza teksta „do konačnog imenovanja pravobranioca Grada Sarajevo”, zarez se zamjenjuje tačkom, a preostali dio teksta se briše.

**Član 2.**

Ova odluka stupa na snagu danom donošenja i bit će objavljena u „Službenim novinama Kantona Sarajevo”.

**PREDSJEDAVALJUĆI GRADSKOG VIJEĆA**

**Jasmin Ademović**

**Broj:  
Sarajevo,**

## **OBRAZLOŽENJE**

### **PRAVNI OSNOV**

Pravni osnov za donošenje odluke sadržan je u odredbi člana 45. Zakona o Pravobranilaštvu („Službene novine Kantona Sarajevo“, broj 33/08 – Novi Prečišćeni tekst, 7/12 i 44/16), kao i odredbi člana 16. odluke o osnivanju Pravobranilaštva Grada Sarajevo („Službene novine kantona Sarajevo“, br. 20/10, 12/17 i 41/21), kojim je propisano da pravobranioca i zamjenika pravobranioca imenuje, smjenjuje i razrješava Gradsko vijeće Grada Sarajevo na prijedlog gradonačelnice. Pravni osnov sadržan je i u odredbi člana 26. stav 1. točka 2. statuta Grada Sarajevo („Službene novine Kantona Sarajevo“, broj 34/08 – prečišćeni tekst) kojom je utvrđeno da Gradsko vijeće Grada Sarajevo, između ostalog, u okviru svojih nadležnosti donosi: odluke, druge propise i opće akte i daje njihovo tumačenje.

### **RAZLOZI DONOŠENJA**

Smajlović Sanjin je na osnovu Odluke Gradskog vijeća Grada Sarajevo o imenovanju pravobranioca Pravobranilaštva Grada Sarajevo, broj 01-02-1681/17 od 25.10.2017. godine, imenovan za pravobranioca Grada Sarajevo na period od 4 godine počev od 09.11.2017. godine. Uzimajući u obzir da period na koji je imenovan istekao 09.11.2021. godine, Gradsko vijeće Grada Sarajevo donijelo je Odluku o razrješavanju pravobranioca i raspoređivanju na mjesto zamjenika pravobranioca Grada Sarajevo, broj 01-GV-02-1401/21 od 04.11.2021. godine, kojom je sa danom 09.11.2021. godine Smajlović Sanjin razriješen funkcije pravobranioca i raspoređen na mjesto zamjenika pravobranioca počev od 10.11.2021. godine.

Gradsko vijeće Grada Sarajevo, na sjednici održanoj dana 01.12.2021. godine, po prethodno raspisanom Javnom oglasu za izbor i imenovanje pravobranioca Pravobranilaštva Grada Sarajevo („Službene novine Federacije BiH“, broj 77/21), nije donijelo Odluku o imenovanju pravobranioca. Također, uzimajući u obzir da je Odluka Gradskog vijeća Grada Sarajevo o davanju ovlaštenja za vršenje funkcije Pravobranioca Grada Sarajevo („Službene novine Kantona Sarajevo“, broj 46/21) važila do okončanje oglasne procedure po Javnom oglasu za izbor i imenovanje pravobranioca Pravobranilaštva Grada Sarajevo („Službene novine Federacije BiH“, broj 77/21), a da je ista okončana, to su se stekli uslovi za donošenje Odluke o izmjeni Odluke o davanju ovlaštenja za vršenje ove funkcije na način kako je predloženo.

Razlog donošenja je kontinuisana potreba za vršenje funkcije pravobranioca, poduzimanja neophodnih radnji na zaštiti imovine i imovinskih interesa Grada Sarajevo, odnosno kako bi se preduprijedila eventualna šteta te obavljanje poslova rukovođenja Pravobranilaštvom Grada Sarajevo.

### **FINANSIJSKA SREDSTVA ZA PROVOĐENJE ODLUKE**

U Budžetu Grada Sarajevo, konto 611000 – Plaće i naknade troškova zaposlenih, planiraju se za svaku budžetsku godinu naknade prema zastupljenim radnim mjestima.